

समे – 12:25

<><><><><><>

Winter Omar

मुख्यमंत्री उमर अब्दुल्ला होरें केन्द्र शासत प्रदेश दे कश्मीर ते जम्मू खित्ते च स्यालै आली रूतै गी दिक्खदे होई तैआरिएं दा जायजा लैता। इस सरबंघे च सिविल सचिवालय च बैठक लग्गी जेह्डी अध्यक्षता उमर अब्दुल्ला होरें कीती। बैठक च मुख्यमंत्री हुंदे सलाहकार नसीर असलम वाणी, मुख्य सचिव अटल डुल्लू ते होर दुए वरिष्ठ अधिकारी मजूद हे। मुख्यमंत्री होरें गी बर्फ हटाने, अंतर जिला जरनैली शिड़के दे रक्ख-रखाव, जिले दी शिड़कें, कस्बे दी शिड़कें थमां बर्फ हआने बारे दस्सेआ गोआ। इस दरान इनें शिड़कें गी साफ ते यातायात दी आओजाई लेई बनाई रखने बारे बी जानकारी दित्ती गई। मुख्य करी ध्यान जरूरी सेवाएं, अस्पतालें दे कम्मकाज, पीएचई सप्लाई, ग्रिड स्वेशन, आपात सेवाएं गी देने लेई गलाया गोआ। कुसै गी आपात ते मैडिकल जरूरत लेई, बर्फ पौने आले इलाकें च हेलीकाप्टर सेवा गी तैआर रखने लेई गलाया गोआ। मुख्यमंत्री होरें पिछड़े दे इलाकें च खाली पेदी मैडिकल सेवाएं सरबंघी असामिएं गी पूर करने लेई गलाया।

<><><><><><>

Srinagat Encounter

श्रीनगर शैहरे दे बाहरले इलाके च सुरक्षाबलें ते आतंकवादिएं बश्कार टाकरा भखी पेआ ऐ। एह टाकरा बडलै 9 बजे डरचींगम कन्नै लगदे जंगली इलाके च होआ। इलाके च आतंकवादिएं दी मजूदगी बारे थहोई दी टकोहदी सूह पर कारवाई करदे होई सुरक्षाबलें इलाके दी घेराबंदी करियै तपाशी अभियान चलाया। इस टाकरे च अजें तगर कुसै आतंकवादी दे मारे जाने दी कोई खबर नेई ऐ।

<><><><><><>

University Ranking

भारत दे 7 शिक्षा इदारे आलमी सतह दे 100 संस्थानें च थाहर हासल कीती ऐ। क्यू.एस. वर्ल्ड यूनिवर्सिटी रैंकिंग : एशिया 2025 नै दुनिया दे आला दर्जे दिएं 100 यूनिवर्सिटीएं दी सूचि जारी कीती ऐ। एहदे च भारती प्रोद्योगिकी संस्थान आईआईटी दिल्ली नै 44मीं थाहर

हासल कीती ऐ जदके आईआईटी बाम्बे 48मीं थाहरै पर ऐ। आईआईटी मद्रास, आईआईटी खड़गपुर, आईआईटी कानपुर ते दिल्ली यूनिवर्सिटी बी इनें आला दर्जे दे 100 इदारे च जगह बनाने च कामयाब रेह न। एहदे अलावा आईआईटी गुवाहटी, आईआईटी रुड़की, जवाहर लाल नेहरू यूनिवर्सिटी, चंडीगढ़ यूनिवर्सिटी, यूपीईएस ते वेल्लोर इंस्टीच्यूट ऑफ टेक्नालोजी जनेह इदारे आला दर्जे दे 150 इदारे च शामिल कीते गे न।

<><><><><><>श

Transport Deptt.

ट्रेफिक नियमें दी खलाफवर्जी करने आले गी नकेल कससने लेई मोटर गडिडएं सरबंधी मैहकमे आस्सेआ समूलचे जम्मू प्रांतै च विशेष अभियान चलाए जा करदे न, जिंदे तैहत यात्री गडिडएं च छमता कोला मतियां सुआरियां ब्हालने ते होरने नियमें दी खलाफवर्जी करने आले खलाफ सख्त कारवाई कीती जा'रदी ऐ। जम्मू कश्मीर दे ट्रांसपोर्ट कमीशनर भवानी रकवाल हुंदे मार्ग दर्शन हेठ, मैहकमे दिएं विशेष टीमें बक्ख-बक्ख इलाकें च नाके लाए चेचा करियै जम्मू कश्मीर राष्ट्रीय जरनैली शिड़के पर। अभियानद 1 मुख्य ध्यान उनें यात्री गडिडएं पर हा जिंदे छ छमता कोला मतियां सुआरियां ब्हालियां जंदियां न। एहदे इलावा गडिडएं दे रूट पर्मिट, आर सियां ते होर औपचारिकता दी बी जांच कीती। कल चलाए गेदे इस विशेष अभियान दरान 1 जहार 240 गडिडएं दी चैकिंग कीती गई जिंदे च बस्सां, टिप्पर, मैटाडोरां, स्कूली गडिडयां, ट्रक, ट्रैक्टर जे प्राइवेट गडिडयां बी शामिल हियां ते केइएं दा नियमें दी खलाफवर्जी पर चलान बी कीता गेआ।

<><><><><><>

AHD Jamuu

पशुपालन सरबंधी मैहकमे दे जम्मू निदेशालय डॉ. वहीदा परवीन ते एक्टेणशन ते पब्लिसिटी विंग आस्सेआ डोडा ते किश्तवाड़ जिले दे दूर दरेड़े इलाकें च 2 रोजा जागरूकता अभियान चलाया गेआ। एहदा मकसद करसानें गी सरबंधी मैहकमे आस्सेआ चलाई जा'रदी स्कीमें, अभियानें ते प्रोग्रामें बारे जानकार बनाना ऐ, जेहदे राएं एह लोक मौके हासल करी सकदे न। इस जतन दे हिस्से दे तौर पर बक्ख-बक्ख थाहरें शिविर लाए। करसानें गी आखेआ गेआ जे ओह अगै औन ते इनें स्कीमें थमां लाह ठोआन। उनें करसानें गी डेयरी ते मुर्गी पालन जनेह कम्में च नमीं तकनीकें गी अपनाने लेई गलाया।

<><><><><><>

Computer Course

समाज कल्याण मैहकमे नै आईआईटी रियासी दे सैहयोग कन्नै 100 घरें दा बेसिक कम्प्यूटर कोर्स सफलतापूर्वक सम्पन्न करोआया गेआ। एह कोर्स मकामी कुड़िएं लेई बेटी बचाओ बेटी पढ़ाओ तैहत्त करोआया गेआ। एहदे च खरी मती गिनतरी च विद्यार्थिएं हिस्सा लैता। रियासी दे जिला समाज कल्याण अधिकारी सचिन शर्मा होरें कुड़िएं गी मुबारकबाद दित्ती ते उनेंगी सरबंधी प्रमाणपत्र दित्ते। श्री शर्मा होरें सखेत्रुएं कन्नै गल्ल कीती ते इस भेठा होर अगड़े जाने लेई उनेंगी प्रेरित बी कीता।

<><><><><><>

CDPO

बच्चें दे विकास सुविधा प्राजेक्ट अफसर रियासी आस्सेआ पोषण प्रोजेक्ट तैहत्त आंगनवाड़ी केन्द्रें दा व्यापक दौरा लाया गेआ। इनें बक्ख-बक्ख केन्द्रें छ लाभार्थिएं कन्नै गल्ल कीती। उनें बक्ख-बक्ख आंगनवाड़ी केन्द्रें दा दौरा लाया। आंगनवाड़ी केन्द्रें आस्सेआ बच्चें दी सेहत लेई पोषण आली रूट्टी दित्ती जंदी ऐ।

<><><><><><>